



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-523-7/22**
Datum: **19.12.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „BRAĆA DURIC“ d.o.o. Cazin, za izdavanje vodne dozvole za ispuštanje tehnoloških otpadnih i onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima, izgrađenih u naselju Gnjilavac, Grad Cazin, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „BRAĆA DURIC“ d.o.o. Cazin, za ispuštanje tehnoloških otpadnih i onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima, izgrađenih u naselju Gnjilavac, Grad Cazin, na zemljištu označenom kao k.č. broj: 661/2 K.O. Gnjilavac, grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa autopraonicom i pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da korisnik predmetnog objekta u roku od 6 (šest) mjeseci pribavi saglasnost upravitelja regionalne ceste, na koji tvrdi da je predmetni objekt priključen, a za ispuštanje čistih oborinskih voda sa krova objekta te onečišćenih otpadnih voda sa internih saobraćajnih i pretakališnih površina predmetnog objekta, prethodno tretiranih na separatoru ulja i masti, u cestovni kolektor oborinskih voda.
 - 3.3. Ukoliko upravitelj ceste odbije da da saglasnost za ispuštanje čistih i prečišćenih oborinskih voda u cestovni kolektor, korisnik predmetnog objekta je obavezan da ispuštanje istih u okoliš vrši na način da ne ugrožava kvalitet okoliša, susjedne objekte, i slično.
 - 3.4. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, ukupnog kapaciteta 200 m³.
 - 3.5. Korisnik objekta obavezan je redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.7. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.

- 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa internih saobraćajnih i pretakališnih površina benzinske pumpne stanice, odnosno tehnološke otpadne vode sa radnih površina autopraonice nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent.
- 3.10. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.11. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.12. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
- 3.13. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Sl. novine F BiH», broj 14/10).
- 3.14. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.15. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „BRAČA DURIĆ“ d.o.o. Cazin je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godine dana, od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, BRAĆA DURIC d.o.o. Cazin, obratio se ovoj Agenciji dana 23.09.2022. godine zahtjevom broj: 01-09/22 za izdavanje vodne dozvole za ispuštanje onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima, izgrađenog u naselju Gnjilavac, Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra; Matični broj subjekta upisa: 1-5011-00; izdano dana 08.09.2022. godine od strane Općinskog suda u Bihaću (ovjerena kopija),
- Uvjerenje o poreznoj registraciji, izdano dana 10.06.2003. godine, od strane Federalnog ministarstva finansija - financija, Porezne uprave – Kantonalnog ureda BIHAĆ (ovjerena kopija),
- Uvjerenje o registraciji/upisu u Jedinostveni registar obeznika indirektnih poreza, izdano od strane Uprave za indirektno - neizravno oporezivanje Bosne i Hercegovine, broj 04/1-17-1-UPJR/1-3789-2/20, dana 14.08.2020. godine, u Banjaluci (ovjerena kopija),
- Kopija elektronskog naloga za plaćanje upravne pristojbe i federalna administrativna taksa,
- Ugovor o izvođenju radova zaključen između ugovorenih strana: Br. 1610/22-DS; zaključen sa „DELTA PETROL“ Kakanj, predmet kojeg su radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora i septičkih jama sa lokacije Naručioca – BS Cazin, zaključen dana 23.09.2022. godine (kopija),
- Rješenje, kojim se investitoru, Durić (Murat) Hasanu iz Gnjilavca daje odobrenje za građenje poslovnog objekta, namjenski za tržišni centar, sa sadržajima: prodavnica autodijelova, supermarket, kafe bar, butik i izložbeno-prodajni salon namještaja, u naselju Gnjilavac, na zemljištu označenom kao k.č. broj: 661/2, k.o. Gnjilavac (podaci novog premjera), što po starom katastarskom operatu predstavlja k.č. broj: 200/3 k.o. Gnjilavac, a na osnovu tehničke dokumentacije – glavnog projekta izrađenog od strane ovlaštenog pravnog lica „AG“ doo Cazin, pod šifrom: 12-03/04; izdano od strane Odjeljenja za urbanizam i razvoj Službe za urbanizam, katastar, stambeno-komunalne i imovinsko-pravne poslove Općine Cazin pod brojem 05-23-1760/04, dana 27.05.2005. godine, u Cazinu (kopija),
- Rješenje o okolišnoj dozvoli, kojim se izdaje okolišna dozvola operatoru „Braća Durić“ d.o.o. Cazin za objekat benzinske pumpe koja se nalazi u naselju Gnjilavac bb, na nekretnini označenoj kao k.č. br. 661/2 k.o. Gnjilavac po novom katastarskom operatu kojima po starom katastarskom operatu odgovara nekretnina označena kao k.č. br. 200/3 k.o. Gnjilavac, kapaciteta spremnika za gorivo 200 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona, broj 11-19-2498-UP-1/20, dana 02.06.2020. godine, u Bihaću (kopija),
- Rješenje, kojim se daje vodoprivredna saglasnost investitoru Durić (Murata) Hasanu iz Cazina za izgradnju objekta benzinske pumpe sa pratećim sadržajima u naselju Gnjilavac, općina Cazin, na zemljištu kao k.č. broj 661/2 k.o. Gnjilavac; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-25-465-UP-1/2003, dana 13.02.2003. godine, u Bihaću (kopija),
- Rješenje, kojim se investitoru, Durić (Murat) Hasanu iz Gnjilavca daje odobrenje za izgradnju benzinske pumpe sa pratećim sadržajima (višenamjenski objekat – trgovina autodijelovima, autoradiona, mini kafe bar, sanitarni čvor i kancelarijski prostor, nadstrešnica, dva rezervoara za smještaj tečnog goriva i uređenje saobraćajnih i zelenih površina), u naselju Gnjilavac, na zemljištu označenom kao k.č. broj: 661/2 (novi premjer), što po starom katastarskom operatu predstavlja k.č. broj: 200/3 k.o. Gnjilavac; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove Općine Cazin pod brojem 05-23-670/2003, dana 05.03.2003. godine, u Cazinu (kopija),
- Rješenje o vodnoj dozvoli, kojim se daje vodna dozvola pravnom licu „BRAĆA DURIC“ d.o.o. Cazin za promet opasnih materija i proizvoda od tih materija koje nakon upotrebe mogu dospjeti u vode i ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima lociranog u naselju Gnjilavac, grad Cazin, izgrađenog na zemljištu označenom kao k.č. broj 661/2, K.O. Gnjilavac (podaci novog premjera), odnosno k.č. broj: 200/3 K.O. Gnjilavac (podaci starog premjera), grad Cazin; izdano od strane Agencija za vodno područje rijeke Save, broj UP-I/25-3-40-530-6/17, dana 26.09.2017. godine (kopija),
- Ugovor o zakupu (bez naknade) na neodređeno vrijeme, zaključen dana 06.12.2004. godine sa zakupodavcem Durić Hasanom (kopija),

- Izvod iz izmjena i dopuna urbanističkog plana grada Cazina 2017.-2027. (Sl. novine grada Cazina br.:1/19); izdan od strane Službe za urbanizam i zaštitu okoliša grada Cazina pod brojem 04-19-5537/20, dana 21.04.2020. godine, u Cazinu,
- Kopija katastarskog plana, Katastarska općina: Gnjilavac, Broj plana: 9; izdana od strane Službe za imovinsko-pravne, geodetske i katastarske poslove Općine Cazin pod UR BROJ: 05-30-17-121/2015-2, dana 10.02.2015. godine (kopija),
- Situacioni prikaz oborinske odvodnje,
- Račun za utrošenu vodu i komunalne usluge 500189-1-0822-08, za obračunski period od 01.08.2022. do 31.08.2022., izdan od strane JKP VODOVOD doo Cazin,
- Godišnji izvještaj – monitoring i ispitivanje otpadne vode za „BRAĆA DURIC“ d.o.o. Cazin, objekt: prodaja nafte i naftnih derivata, lokacija: Gnjilavac bb, Cazin; urađen od strane Poduzeća za kontrolu kvalitete i količine robe Herkon d.o.o. Mostar pod brojem GI-OV-02-001-1/22, dana 03.01.2022. godine, u Mostaru,
- Upit o plaćenim PVN-a od 26. oktobra 2022. godine te odgovor Službe za naplatu prihoda (vodnih naknada) Sektora za ekonomske, pravne, kadrovske i opšte poslove Agencije da navedeni obveznik ne izmiruje svoje obveze, te je evidentiran ukupan dug u iznosu 322 KM (kopije e-mailova),
- Nalog za plaćanje posebnih vodnih naknada za zaštitu voda u iznosu od 211,00 KM (kopija),
- Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-523-2/22, dana 17.10.2022. godine, te kopija elektronskog naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „BRAĆA DURIC“ d.o.o. Cazin, u naselju Gnjilavac, grad Cazin, i tom prilikom sačinjen zapisnik o uviđaju broj: UP-1/21-3-40-523-2/22, dana 08.12.2022. godine.

Objekt benzinske pumpne stanice sa pratećim sadržajima „BRAĆA DURIC“ d.o.o. Cazin, je lociran u naselju Gnjilavac, sa desne strane regionalne ceste R402, na dionici Jošani - Gnjilavac.

Objekt se sastoji od nadstrešnice sa automatima za istakanje goriva, maloprodajnog objekta sa upravnim prostorijama, sanitarnim čvorom u susjednom stambeno-poslovnom objektu, podzemnih čeličnih dvoplašnih spremnika za gorivo, uređaja za tretman otpadnih voda te manipulativnog asfaltiranog/betoniranog prostora i zelenila. Objekt se nalazi na terenu u nagibu, sa internim saobraćajnim i pretakališnim površinama i ugrađenim linijskim slivnim kanalicama prema regionalnoj cesti.

Gorivo se drži uskladišteno u ukopanim spremnicima sa dvostrukom stijenkom, zapremine 2x100 m³.

Sanitarne otpadne vode iz objekta upravne zgrade su kanalizacionim cijevima sprovedene do septika.

Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene ka separatoru ulja i masti.

Zauljene - onečišćene oborinske vode, koje nastaju na prostoru internih saobraćajnih i pretakališnih površina, a mogu da sadrže produkte naftnih derivata i suspendirane materije sa vozila koja prometuju istim, se ispuštaju, nakon tretmana u separatoru ulja i masti, u oklno tlo na susjednoj parceli, u posjedu istog vlasnika.

Pri rekonstrukciji i izradi trotoara na regionalnoj cesti, tokom 2015. godine, izvršeno je polaganje kolektora za odvodnju oborinske vode sa saobraćajnice regionalne ceste, u koji su, prema riječima vlasnika objekta, priključene i oborinske onečišćene vode sa platoa benzinske pumpne stanice, kao i čiste oborinske vode sa krovova nadstrešnice i maloprodajnog objekta.

Priložen je godišnji izvještaj o monitoringu otpadnih voda benzinske pumpe, urađen januara 2022. godine, a uzorak je uzet na mjestu revizionog okna, u kojem se navodi da je recipijent otpadnih voda javna kanalizacija.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 13., 14., 19. i 20 Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „BRAĆA DURIC“ d.o.o. Cazin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:
Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



(Haris Ališehović, dipl. inž. građ.)

Dostaviti:

- „BRAĆA DURIĆ“ d.o.o. Cazin, Gnjilavac bb, 77 220 Cazin,
- AVP Sava, ISV – Vodna knjiga
- Sektor 50
- Ⓞ Sektor 40, arhiva
- Oglasna ploča AVP Sava